

清·光緒

鹿邑縣志·點注

(六)

图书在版编目 (CIP) 数据

清·光绪鹿邑县志点注/鹿邑县地方志办公室点注. —
北京: 中国社会出版社, 2002.12

ISBN 7-80146-677-2

I. 光… II. 鹿… III. 鹿邑县—地方志—清后期
IV. K296.14

中国版本图书馆CIP数据核字 (2002) 第107884号

清·光绪鹿邑县志点注

点注	鹿邑县地方志办公室
责任编辑	陈洪汉 张险峰 陈晓琴
出版发行	尤永弘
通联方法	中国出版社
经销	北京市西城区二龙路甲33号
印刷装订	各地新华书店
字数	杭州萧山古籍印务有限公司
印数	600千字
版次	2002年12月第1版
印次	2002年第一次印刷
印数	壹仟套
定价	ISBN 7-80146-677-2/K·24
书价	柒佰捌拾圆

ISBN 7-80146-677-2



9 787801 466778 >

光緒鹿邑縣志卷十五上

列女傳

范書列女篇。區明風烈不專一操。蓋綜中壘母儀。賢明。仁智。貞慎。節義諸目而彙紀之。此後代方志之準則也。許氏按討無騫斯義。惟表闡貞烈。往往一二語而竟。而於節婦尤多。紀歲月。符律令之文。片楮之中。詳略相閒。轉令閱者增憾疏悅。茲瀋魯氏邳州志。撫其傳述有耑委者。統以時代詮次。它係於後。各以類從。近所采拾。則別爲下篇。期於尋省之易。播厥椒蘭。貽之閨壺。彤管有采。亦庶幾其不忽已。作列女傳。

明。楊桃兒。楊德之女也。嘉靖元年。山東賊王堂流入境內。

渠：第三人称代词「他」。

恚：huì，怒。

斫：zhuó，砍、杀。

旌：jīng，表彰。

归：出嫁、嫁给。

姑：文言在里多指丈夫的母亲，即婆婆。

痞：pǐ，指在腹腔内长的硬块、肿瘤之类的病患。

四散剽掠。桃兒年十六，易男子妝，隨兄世威等避至鄆城。猝與賊遇，世威與弟世寵俱戰死。賊獲桃兒，知其女也，且豔其色，欲獻諸渠帥，促上馬。桃兒怒罵曰：「死賊殺我兄，恨不碎汝萬段，肯隨汝行耶？」卽以頭撞地求死。一賊前逼之。桃兒奮起，搪拒劍，其一目墜地。衆賊忿恚，亂刀斫之，至死罵不絕口。以烈旌。許志引王志

生員李浩妻閻氏，閻燭之女也。歸浩未三載，浩患痞，殫殲牀席間藥必親。明夕焚香祈天。浩卒不起，閻時年二十。一子僕生才三足餘，痛哭絕食，飲者數日。姑苦諭之，不能死。乃盡鬻衣飾，殯其夫，躬勤紡績，殫心事畜，勤苦之狀，人所不堪。卒年七十六。嘉靖十二年，知縣孫忠弼表其廬嗣。

歿：mò，死，病死。

饗殯：yǎng sūn，早
餐和晚餐。

得旌如例。

許志引
王志

李效妻朱氏。效病將死。朱年二十七。無所出。獨姑在。效與
朱訣曰。我死後汝當若何。朱曰。有死耳。效曰。吾二人俱死。
母奚倚。朱因痛哭。誓承夫志。效死。朱績紡以養。及姑歿。盡
鬻衣物。營葬如禮。貧至饗殯不給。賴族人振之。得以存活。
居恆慎出戶庭。雖族黨卑幼亦罕覩其面也。許志引
王志

廩生軒冕妻梁氏。柘城人。進士梁偉之女也。冕爲輓之孫。
惟明子以弟旻物。故哀慟得疾。梁侍湯藥。朝夕兢惕。不遑
膏沐者。且一載。冕歿。梁年二十有八日。夜哀號誓死從葬。
繼姑王止之。遂屏絕華綺。蔬素終身。姑性嚴。梁順令達情。
常得其歡。日至家祠祈姑壽。祈幼子成。立繼先志。發於至

鄰：党的异体字，古代的一种居民组织，五百家为一党。

殉：xùn，旧时妇女受封建礼教毒害，因丈夫死而自杀。

迨：dài，等到。

誠未嘗稍懈。及卒，邑宰親臨弔焉。許志引

王志

王翱妻羅氏，以孝順聞於里鄰。年二十九，翱亡，舅姑垂老，諸孤稚幼一身，戟搢仰事俯訓，未嘗少怠。舅姑沒，喪葬盡禮，苦節逾四十年。子堯輔，堯佐並成諸生。許志引

王志

生員劉錠妻張氏，張俊之女也。錠卒無子，張年二十五，堅節自守，勤紡績織，絀以養孀姑。姑年八十餘，坐卧行立扶持惟謹。姑嘗語人曰：「老身若無此婦，歸泉下久矣。」鄉人感歎，以爲至孝。許志引

王志

田思賢妻張氏，貢生張松女也。年十八適思賢，未半戕。思賢死，張誓殉焉。姑防之嚴，迨六月，家人盡之田。張乃自縊，有烏鵲數百，飛繞其室，嘒嘒鳴噪，家人驚異，急歸視之。

給事：官名。

訃：報喪。

搶柩：搶，碰；柩，裝有尸體的棺材；撞棺材。

衣：作動詞，指穿衣。

聘：旧時以禮物訂婚稱聘，訂婚的禮物訂婚稱聘禮。

祚：zuò，福。

茕茕：biāng biāng，孤獨無依靠。

矢志：發誓。

已氣絕矣。

許志引王志

軒春節。御史軒輓之女孫也。許字給事王堯日之子自新。

未嫁。而自新死。春節聞訃。毀妝痛哭。水漿不入口。父母勸

之。春節曰。容我往弔。乃飲食。許之。及至以頭搶柩下。哀奠

而歸。乘閒。衣舅姑家衣袖。聘釵登樓自縊。死以烈旌。

采歸德志

王氏女年十七。未字。值嘉靖三年大疫。父母兄嫂相繼逝。

兄遺一孤甫三歲。女竭力營葬畢。拊膺大痛曰。王氏門祚

係此弱息。此後煢煢奚賴矣。遂矢志不嫁。撫育之。至於成

立。卒年六十時。號之曰義姑。

許志引陳志

夏姐。夏進儒之女也。年十四。值土寇袁老山之亂。隨母朱

避閣上。賊夙稔其美。索之。女謝其母。從容自縊而死。

許志

生員馮際昌妻孫氏。崇禎十七年。流寇入境。際昌村居。被執不屈死。孫年二十五聞之。引刃欲自殺。舅姑泣止之。曰。汝從夫死。良義。然不念吾二人與呱呱弱息乎。孫棄刃。大慟。親赴夫死所。收體骨歸。倉皇無以殯。合樓板厝之。殫心事畜守節。四十九年而歿。

許志

庠生顧崇霄妻孫氏。歸崇霄一載。崇霄病歿。孫年十八。伏棺痛哭。絕不食飲。翁姑親戚百方勸慰之。卒不解。防稍怠。遂縊死。邑令夏寶文學程雲等。率諸生親臨弔焉。以烈旌。

許志
王志
引

李允中妻張氏。生員張汝梅之女也。允中病故。張曰。吾嫂趙氏以從死顯。我乃不能。他日何顏相見於地下矣。遂縊。

死。時年二十三。以烈旌。

詳志

趙某妻楊氏。王寨農家婦也。有子煥然。崇禎末。縣境土寇蠡起。族人趙珍尤橫。縣尉馬夢熊引疾去官。道經寨中。珍故與有隙。糾黨逞虐。楊戒煥然曰。珍肆逆。汝勿從也。戴履天地。豈可蔑王法。叛乃父母。絕滅門戶。後禍匪輕。汝違吾言。吾不苟生矣。煥然不聽。楊遂自經以死。珍戕夢熊。擄其幼女。欲汙之。女大罵曰。死則死耳。豈從汝賊。亦爲珍所殺。邑人梁遂紀其事。且爲贊曰。天喪濁世。流兇延歎。如罟亂沼。靡鱗弗觸。趨死若飴。寥寥芳躅。冰潔非鏤。鵠白不浴。風疾草勁。表正頽俗。日月麗天。光壓炬燭。

采梁遂義婦烈女傳修

國朝張坦妻劉氏。幼慧。喜讀書。嫻於詞翰。適坦後。孝事翁

姑佐坦治家。捆紵有法。時值寇亂。流離轉徙。歸而復業。人咸稱劉善。相其夫也。所爲詩甚多。垂歿索稿本。持語諸子曰。婦人之分。專司中饋。內言不出。此未可以示人。留之何爲乎。言畢。投諸火。孫淑急掇之。已強半灰燼。今所存拾燼集。吉光片羽而已。詩志

韓必春妻羅氏。年二十三。夫亡。舅姑並衰耄。遺孤煊才三歲。又生遺腹子燿。其時羣盜縱橫。饑饉無依。羅掇菽采薪。艱苦備歷。而卒能養生送死。并教二子先後成諸生。卒年八十有七。詩志引

邢大姐。山西絳州人。隨父起太流寓馬邱鋪。鄰人完月生。闕其父母俱出。欲犯以非禮。女堅拒。月生扼其項死之。時

年才十六也。康熙二十八年旌。

許志引
呂志

李三姐。孤柳樹人也。父麒生。無子。有女四。女第三。麒生與族人礎有隙。被戕於途。衆畏礎衆強。莫敢誰何。女痛甚。礪刃將襲讐。已而曰。不可。父橫死。又將死其女乎。乃訟諸官。三年不得直。則匍匐至都下。擊登聞鼓。事下巡撫。礎與其子兆龍俱伏法。三姐雖復父仇。而鬱悒恆不自聊。素服毀容。晝夜號泣。鄉人義之。爲議姻者日至。三姐曰。老母在。吾終不字矣。營大父母。及父葬畢。爲父立嗣子。嫁其女弟。及母歿。遂自經。時年三十有四矣。邑人胡處鈞私謚之曰。孝烈。乾隆三年。學使者以事上聞。有詔旌其墓。

許志

張珏妻竇氏。柘城檢討竇克勤女也。珏官宜陽教諭。歿於

賓，三，放置。

市闕，huan hui，街

旅邸。賓孝事舅姑。曲成夫志。舅姑有疾。輒籲天請以身代。再遭喪。營葬如禮。春秋祭掃。必誠必恪。詣墓盡哀。數十年如一日也。撫嗣子兆立。恩義備至。長就外傳歸。必加以策勵。篤厚族黨。凡婚葬。力不能舉者。必資助之。振卹貧困。情誼尤摯。守節五十一年。雍正十年旌。許志。

賈二姐者。張氏之婢也。配僕子王林。主歿。家無餘財。孤寡不能自存。林欲攜二姐遁。二姐戀舊恩。不可。林自逸去。二姐爲主母策生計。寘驢磨躬親之。晨坐閭闔。閒羅列麪盎。待售。而紡紉於其側。日蚤食。度主母起。則市炊餅歸。供饗。午牧驢郭外。拾薪刈芻。寘驢背上。牽之而返。晚復入磨室。至夜分始輟業。如是者四十年。雖遇凶荒。主母甘旨未

新言
給手。
吝惜，不肯

嘗少缺也。主母歿。喪殯皆賴二姐以辦。事主母婦如主母。又有年。年八十餘。無疾而逝。林遁未久。卽死於外。方得凶問。時二姐有一姑。諷以改適。二姐終身與此姑絕。嘻。亦賢矣哉。許志

貢生王攜妻周氏。攜好善。周與協趣。攜歿後。逢歲饑。周命子儀。減價糶穀。以濟貧民。親黨有求。無或靳者。煮茶製藥。歲施有常。嘗出巨資。助修橋梁。鄉人尤德之。許志

監生吳洙妻閻氏。早寡。事翁姑。惟謹。翁暮年病癰。醫診之。窮於術。謬謂。須食人肉。乃瘳。閻聞。急割股。以進。翁果愈。人以爲至孝所感。許志

羅謙妻閻氏。謙操細業。早卒。閻年二十。遺孤酉才五月。仰

事俯畜。晝夜紡績。十指盡裂。姑出易薪米。則堅閉戶。必聞姑聲始開。孤稍長。嬉戲門外。鄰或餌以食物。必令還諸其人。兩餐時或不給。先以供姑。次以食子。往往枵腹逾日。不令姑知也。謙始歿數歲。姑感婦孝。且憫其勤苦。諷以它適。閻大驚曰。是必吾奉養弗至。怫姑意矣。因入室斷髮。立盡出示姑。姑婦相持痛哭。乾隆十一年。姑歿。閻鬻居廬。營葬如禮。孤成立。力農傭作。閻竟以苦節終。許志

閻鑑妾呂氏。事姑以孝聞。夫亡。撫嫡子宗立。教以義方。宗立嘗途拾遺金歸。以告。呂命立門外俟之。俄有賈家灘朱賓者。踉蹌至。自言失金。呂詢其數符。令宗立還之。賓願析其半以謝。呂止宗立勿受。事在乾隆四年。許志

除蠲減免

李氏監生劉夢帝之母也。有子四。皆訓之有方。性樂施予。

里黨以緩急告者。率遂望以去。蠲租焚券。事多可書。又嘗

出資修村西二橋。人不病涉。往來者咸稱誦焉。許志

其行義失載。但云以節旌者。明代則有薛佃妻孫氏。年十九夫

亡孤堯臣生才月餘。父母欲奪其志。孫祝天自矢。撫養孤幼。以清白著稱。任道統妻黃氏。守節

五年卒。張東栗妻熊氏。守節五十二武然妻姜氏。守節

二十七。朱廷瑀妻宋氏。守節五十八年。王堯

春妻劉氏。夫亡斷髮。自誓守節六十四年。任道遠妻趙氏。守節五十

年卒。生員張泮妻朱氏。守節六十五劉懷讓妻梁

氏。守節六十七劉懷玉妻王氏。守節三十七劉廷弼

妻李氏。守節五十年。周濟妻劉氏。夫亡年二十。守節三十餘年卒。呂

天秩妻陸氏。夫亡年十七守節四十餘年卒。生員陸應魁妻崔氏。守節三十

六年卒。劉鸞妻張氏。夫亡年二十守節七十餘年卒。生員鄧宦妻張

氏。守節十八年卒。羅鶴齡妻張氏。守節五十七年卒。軒登

妻張氏。守節五十四年卒。郭有方妻張氏。夫亡年十六守節四十餘年卒。

烈婦則有。任道重妻鄭氏。歲貢鄭魁女。夫亡自縊死。生員張汝楫妻

史氏。生員史邦彥女。適張三載。夫亡自縊死。孔愉如妻丁氏。丁昇女。夫亡自縊死。時年

二十。羅文燦妻李氏。夫亡自縊死。陳仲銀妻張氏。夫亡自縊死。

崔輔國妻金氏。金溪女。孫年十七適崔三載而夫亡。哀毀不食死。李貴中妻趙

氏。監生趙三聘女。夫亡自縊死。時年十八。韓邦本妻張氏。避賊于東隍舟中。賊挽舟近岸。

張抱子。生員文載道妻孫氏。夫亡自縊死。時年十六。蔡住妻趙

氏。趙桂女。夫亡。既葬不食死。生員孫尚妻郭氏。郭教民女。夫亡年二十餘。自縊柩旁。知縣

呂邦柱親
臨弔焉。

貢生孔得孟妻陳氏。避寇護廂集賊至投井死。

王之棟

妻程氏。

遇難不污罵賊死。

生員王甲妻李氏。

李燦女夫亡自縊死時年二十。

朱壩妻陳氏。

夫亡慟哭不食死時年十九。

李兌妻魯氏。

夫亡自縊。

任

中範妻黃氏。

夫亡三日自縊死。

生員吳振國妻史氏。

夫亡自縊。

二十

廩生薛念妻牛氏。

崇禎十五年避寇楊家背被執罵賊死。

中書王

道極妻詹氏。

崇禎十六年避寇陳州城破投水死。

舉人吳洗心妻郭氏。

明季

罵賊死洗心爲傳紀其事。

又烈女杜縉女。

名桂姐許字儒士岳大忠大忠亡女奔喪痛哭不歸乘隙自縊死時炎暑容色數日

不變。

羅士成女。

名三姐許字段錦袍錦袍暴卒女奔喪慟絕復甦自縊死。

孔得孟女

弟。

與嫂陳氏避寇護廂寨寨破投井死。

本朝節婦則有展舜孝妻任氏。

貢生佶母也夫亡撫遺腹孤守節五十六年卒年七